



PERSEVERA

Un página di kurashámentu i guia spiritual pa miembronan di Scouting Antiano



Novèmber 2013

Edishon 34 Aña 3

Bida Di San Nikolas, Obispu

E nòmber Nikolas, ta nifiká protektor i salvador di pueblo. San Nikolas a nase na Turkia. For di mucha e tabata gusta kompartí loke e tabatin ku hende pober. E tabata bisa su mayornan: *"Ta un pika pa no duna hopi, siendo ku Dios a duna nos masha hopi"*

Dia su mayornan a fayesé, víktima di un epidemia segun nan tabata kuida hende malu, el a bira heredero di un fortuna inmenso, el a parti su rikesa bou di hende pober i despues ku el a keda sin nada, el a drenta un monasterio. Pa e tempunan aki, el a keda konsagrá komo saserdote kaba. Despues di morto di su mayornan, el a bai Tera Santu i na su regreso el a keda elegí komo obispu di un manera dibino. Segun obispunan i saserdotenan di Turkia tabata den reunion ta diskutí ken lo mester bira e siguiente obispu di Mira (un stat na Turkia) i nan no por a yega na un konklushon, nan a disidí ku e siguiente saserdote ku drenta e sala, lo bira e Obispu nobo. I na e momentu eksakto ei, Nikolas a habri porta i drenta e sala, p'esei e ta konosí tambe komo: *"San Nikolas di Mira"*.




muhé i e no a logra, segun e kultura di e tempu ei, di kasa nan. E ora ei, San

Nikolas pa tres anochi sigui a benta un saku ku plaka di oro dor di bentana i asina e ansiana a logra kasa su tres yunan muhé.

E ta tambe patrono di marineronan, pasobra un grupo di marinero meimei di un mal tempu teribel, a kuminsá resa bisando: *"Oh Dios pa e interseshon di nos Obispu Nikolas, salba nos!"*. I na e momentu ei nan a mira San Nikolas den nan barku, ku a bendishoná laman;... laman a kalma i San Nikolas a dispersé.

Un otro tradishon ta konta ku tres amigu di San Nikolas tabata na punto di ser kondena inhustamente.



Nan a resa pidi Dios ku pa interseshon di San Nikolas nan Obispu, nan haña su protekshon. E anochi ei segun testimonio di e hues, San Nikolas a paresé na dje den su soño i bisé ku e no por kondena tres inosente. Su siguiente dia, el a duna nan, nan libertat.

Emperador Licinio a dekretá un lei pa persiguí tur kristian i nan a sera San Nikolas den prizon. Ei el a sigui instruí e kristiannan. Despues emperador Constantino a tuma poder i a liberá San Nikolas i tur e otro kristiannan.

San Nikolas (di Mira) ta konosí tambe bou di nòmber Bari, pasobra tempu ku mohamedanonan a invadí Turkia, un grupo di katóliko a saka for di stat ei e relikianan di e Santu i a hiba nan e stat di Bari na Italia. Den e stat ei nan a haña hopi milager despues di resa pidi interseshon di e Santu aki. Deboshon na San Nikolas a bira masha popular na henter Europa, te ku el bira patrono di Rusia, Gresia i Turkia. Na aña 550 Iglesia, na Roma a konstruí un misa na su honor. Ta bisa ku San Nikolas a pasa pa un mihó bida riba 6 di dezèmber di aña 345.